

MIKEL PRIETO AEB-ETAKO MAYO KLINIKAKO ZIRUJAU

«Emaile bizidunen organoak erabiliz, dialisia saihesten dugu»

Mikel Prieto donostiarra da jaiotzez. EHUUn medikuntza amaitu ostean, Estatu Batuetara joan zen, ikerketan sakontzera, eta egunotan jaioterrira itzuli da, giltzurrunak aldatzeko garatu duten teknikaren berri ematera.

Iñaki Gurrutxaga | DONOSTIA

Mayo klinikan aritzen da lanean Prieto, AEBetako ospitalerik garrantzitsuenetako batean. Giltzurrunak aldatzeko emaile bizidunen organoak erabiltzea gomendagarriagoa dela deritzo.

■ **Zer ekarpen egitera itzuli zara Euskal Herrira?**

Egunotan eskaintzen ari garen ikastaroaren helbururik behinean dialisiaren eta giltzurrun transplanteen inguruan lortu ditugun aurrerapenen berri ematea da. Hala ere, emaile bizidunen organoekin egiten diren transplanteak izan ditugu hizpide nagusi.

■ **Zein da AEBetako kliniken eta Europako artean dagoen alderik nabarmenena gai horri dagokionez?**

Giltzurrunetako gaitzak tratatzeko garaian, alde handia dago gure klinikan egiten dugunaren eta hemen egiten denaren artean. AEBetan, emaile bizidunen organoak erabiltzen ditugu giltzurrunak aldatzeko. Aurten egindako ebakuntzen %90 hala egin ditugu. European, ordea, oso gutxi erabiltzen da ebakuntzak egiteko modu hori; ez dago alternatibarik. Ez dut uste, baina, eztabaida zientifiko baten baitan dagoenik eredu hori al-

JUAN CARLOS RUIZ / ARGAZKI PRESS



datzea, baizik hemen egin beharreko eztabaida etikoa dela esango nuke.

■ **Zein da ebakuntza egiteko erabiltzen duzun teknika?**

Teknika laporoskopikoa erabiltzen dugu. Teknika horren bidez, zortzi zentimetro inguruko ebaki txiki bat eginda atera dezakegu giltzurruna. Kamera txiki bat sartzen dugu gorputzaren

barrenean, eta bertan egiten dugu disezioa. Hori ez da beste munduko berrikuntza, baina garai batean oso ebakuntza latza zen, eta, egun, organoa ematen duenak egun eta erdi soilik ematen du ospitalean, eta bi astean erabat osatuta dago. Guk argi dugu ebakuntza horrekin emaileak ia arriskurik ez duela izaten, eta gaixoari ema-

ten dion laguntza erabatekoa da, zinez.

■ **Beraz, erabat gomendagarria da, zure ustez, halako ebakuntzak egitea.**

Hala da. Gaixotasun hori duten guztiei gaitza sendatzeko dau den aukera guztien berri ematen diegu. Nik gizartea orokorrean eta bereziki medikuak konbentzitu nahi ditut, gu pro-

TEKNIKA

«AEBetan, emaile bizidunen organoak erabiltzen ditugu transplanteak egiteko»

EUROPAKO MEDIKUAK

«Jauzi etikoa eman behar dute, behar ez duenari kirurgia ebakuntza egin behar zaio eta»

posatzen ari garen teknika aukeran jarri dezaten. Bide batez, dialisia eta itxaron-zerrendan zain egotea saihesten da, eta gaixoari bizi-kalitatea hobetu.

■ **Zergatik uste duzu European ez dela garatu teknika hori?**

Nik ez dakit galdera horri erantzuten. European organo emaile asko daude, eta itxaron-zerrendak, betiere, laburragoak izan dira, AEBetan baino istripu gehiago izaten baitira hemen. Hala ere, emaile bizidunen organoak erabiltzearen abantaila ez da bakarrik denbora gutxi egon behar dela zain; hau da, gaixo bati 30 urteko gazte baten giltzurruna aldatzen badiogu, ziurrenik, bizi guztirako balioko dio, eta hildako batena jarritz gero, ez dago ziur esaterik nola erantzungo dion giltzurrunak. Azken batean, zorte kontua ere bada.

■ **Aurrez, etika kontua ere badela esan duzu.**


Medikuek jauzi etiko hori eman behar dute, hau da, kirurgia behar ez duen bati kirurgia egin behar baitaio. Zin hipokratikoak minik ez emateko agintzen du, eta teknika horrek zin hori apurtzen du.

FRANTZIAKO
TOURRAEGUNKARIAK ZURE KINIELA
EGITEKO AUKERA ESKAINTZEN DIZU

Erne!! Beranduenez uztailaren 14ko zigilua duten gutunak onartuko dira

ASMATZAILEEN ARTEAN **MALLORCA**ra astebeterako bidaia ZOZKATUKO DUGU!

WWW.EGUNKARIA.COM/TOURRA WEBGUNEAN ERE BADUZU BOZKATZERIK !

SAILKAPEN
OROKORRA:

IZEN-DEITURAK:

HELBIDEA:

P.K.:

PROBINTZIA:

LEHEN EUSKAL TXIRRINDULARIA:

LEHENA MENDI PROBAN:

BIDALI KUPOI HAU

Egunkaria / MARKETIN SAILA

Gudarien etorbidea, z/g

20140 ANDOAIN (Gipuzkoa)

☎ 943 300222

HARPIDEDUNA ZARA? BAI ☐ EZ ☐

Egunkaria